



國史

内閣文庫	
番號	和 8653
冊數	12 (1)
函號	150 24

24
 内閣文庫
 八六五三
 一五〇番

150-24





國史




壹

明治十一年十月

馬場

内務省

45-001



國史

紀七卷

神祖紀

德祖二

大京三


嚴宗四

憲宗五

文宗章宗六

德宗七

表十卷



上中下

内務省

内務省

西部職官表一

江都職官表二

宗室族者表三

諸松封者表四

先封表五

先封失族者表六

功臣族者表七

天正十年以來服從者表八

德祖時封者表九

大宗以來封者表十

二

志八卷

禮志一

樂志二

律曆志三

載籍志四

賤貨志五

地理志六

序官志七

兵備志八

傳五十五卷

後宮一

宗室二上下

三藩三

結城保科越智四

賜姓族五

外戚六

喜連川織田等高家木下杉原七

前田上秋毛利八

堀尾生駒中村淺野前田九

島津佐竹鍋島十

四

五

最上伊達十一

京極細川十二

伊藤有馬宗松浦大村五島十三

秋田南部相馬戸澤津輕六郷岩城松前十四

秋月高橋相良立花十五

而北条板部岡遠山遠藤稻葉筒井朽木西尾

山岡十六

小笠原真田木曾保科諏訪依田十七

里見成田水谷佐野皆川那須大関大田原伊

王野十八

六

小早川蒲生堀十九

西加藤福島田中二十

池田黒田藤堂二十一

蜂須賀山内有馬森丹羽金森二十二

富田山崎寺澤松倉西竹中日根野古田徳永

二十三

溝口村上中川仙石一柳加藤龜井二十四

七

久留島脇坂九鬼向井小濱二十五

分部平野市橋建部長谷川毛利新庄瀧川關

池田桑山小堀谷本田二十六

西織田小幡小出土方青木伊東片桐二十七

林酒井大久保石川阿倍二十八

戸田奥平菅沼設樂牧野西郷三宅本多久野

安部松下三浦加々丸岡部二十九

八

天野高力本多三十

大須賀酒井大久保本多平岩三十一

井伊本多神原三十二

本多大久保三十三

鳥居内藤三十四

九

植村神原本多阿部成瀬渡邊土岐米津村越

伊奈石谷西尾屋代柳生小野三十五

松井高木牧野稻垣久世山本三十六

丹羽山口佐久間西花房戸川藤田平岡三十

七

土井三浦青山酒井三十八

板倉阿部三十九

永井水野井上安藤森川四十

稲葉堀田朽木内田永井四十一

阿部松平四十二

板倉久世土屋秋元松平黒田四十三

十

堀田牧野柳澤米倉四十四

喜多見戸田間部有馬加納四十五

伊奈伊丹島田牛込北條大岡石黒阪本中山

大森萩原辻四十六

陪臣四十七

十一

儒林四十八

忠義四十九

孝貞五十

十二

貨殖五十一

止

浮屠五十二。

反者五十三

外國五十四 上中下

自叙五十五

紀表志傳無慮八十卷

[Faint bleed-through text from the reverse side of the page]

神祖紀第一上

卷一

清和天皇六男曰貞純、以親王歷官上總常陸等守
 兵部中書等卿、娶左大臣源能有女生經基、平將門
 反、經基以武藏、從參議征夷大將軍藤原忠文討
 之、聞將門已誅而還、伊豫守藤原純友反、為追討使
 次官、以印遷鎮守府將軍、賜姓曰源、子滿仲、歷仕村
 上冷泉圓融花山一條五帝、專以誅反捕賊為已任、
 為正四位下鎮守府將軍卒、贈從三位、給西掃戶、長
 子賴光、橫津守鎮守府將軍、次子賴親、大和守、三子
 賴信、々々、斬反者前上總、從平忠常、進從四位上、鎮

守府將軍賜內昇殿、賴信子賴義善兵有父祖風、為陸奧守兼鎮守府將軍討安信賴時父子殺之、遷正四位下伊豫守、賜內昇殿、有子三人、義家善射、受兵法于大宰師江匡房、從父討賴時、為敵所憚、賊平、為從四位下出羽守、累官鎮守府將軍伐清原武衡于金澤克之、義綱左衛門尉、義光左衛門督、義家生三子、長子義親、平正親奉詔誅之、義親子為義為檢非違使、與平仲正等同伏誅、仲子義忠河內判官、季子義國善射御之儀、為式部大輔兼加賀守、得罪居新田、義國子義重為從五位下大炊父、為義子義朝為

長田長致所殺、平清盛當國誅源氏之族殆盡、義重畏及剃髮、自晦名曰上西、從是平氏日尊盛用車、天子拱己而已、王室始阜、迨義朝子賴朝舉兵、義重亦聚兵得數十人、意輕賴朝、不肯以兵屬之、賴朝盡誅平氏、往謁之、猶以前故不善遇之、弟義康食采足利、子孫漸盛、至尊氏為大將軍、義重有七子、曰義範、食采山名、曰義俊、其子孫為里見氏、田中氏、曰義兼、襲食新田、曰義季、食采德川、曰經義、為額田氏、曰義光、曰義依、賴朝二子賴家實朝相繼脩霸業、實朝為朝家子公曉所殺、無後、北條義時迎親王為大將軍居

鎌倉、軍權盡歸北條氏、義季常出入給事幕府、子賴
氏參河守、有三子、長子有氏遠江守、李子滿氏從新
田義負有軍功、仲子教氏生家時、々々生滿義、自賴
氏以下居世良田、為世良田氏、北條高時無道、滿義
子政義諫、不可、後醍醐天皇詔義負伐盡滅北條氏、
滿義父子擊安東高貞于楢村、崎敗之、既義氏与義
負有隙、尊氏為東國總管、怒滿義黨、義負奪之田、帝
以尊氏不臣、詔義負討之、不克、出居于吉野、尊氏立
光嚴帝、以少子基氏為東國總管、治于鎌倉、盡滅新
田氏之族、滿義匿居世良田德川之間、政義前為伊

豫守右京亮、子親李修理亮折節事滿氏、復食始邑、
滿氏基氏子也、滿氏卒、子滿兼立、滿兼卒、子持氏不
法、大將軍義教遣將討之、親李与子有親孫親氏戰
于早川上、會東國兵叛襲鎌倉、父子相与力戰、潰圍
以持氏子義久逃、義久竟為追騎所禽、父子奔藤澤
為遊行之僧、度不能共全、親李自山道、有親々氏自
海道西道、親李其終不知所之、有親前為左京亮居
參二年卒、嘉吉二年也、親氏往信州居林光政家、与
光政往參、病留于酒井氏亭上、酒井氏知貴人以女
妻之、時盜賊方起、親氏以瞻力聞、一鄉賴之、酒井氏

女死、聞松平村富人、在原信重居宅宏壯、往觀信重、固請留之、奉以已女信重死無異、親氏代有松平村、初親氏徧觀海上諸國、政之得失、民之情偽、無不知悉、及始有土地、以恩愛懷民、傾庫藏出貨、償則受之、曾無徵責、斬木夷險、以通商旅、雖它境之人、仰如其君、居數年、赤松滿祐弒大將軍源義教、足利氏益衰、親氏集衆、謂曰、諸君聞新田氏之族、有世良田某、助予其孫也、以足利氏之仇、我遷徙圖全、未嘗一日有安、賴因祖先之靈、與公等之惠、至于今日、豈非命乎、今也四海鼎沸、足利氏失政、公等尚協一力、辟土集

民、經年之久、累世之勤、我與公等子孫、大亨其慶、公等可則為之、不可則止、皆泣曰、若言人々不愛死、唯君所命、親氏乃部署要約、々定有五士犯賊、親氏厚賜愧之、取中山莊、五士疾鬪、二人死、三人傷、親氏量莊中今年所產充賞、以五士之家為首、衆益悅、親氏應仁元年卒、松平氏之子泰親代之、

泰親善騎射、得衆之心、村邑多歸之、大納言洞院實熙、謫于三河、泰親車之厚、及還從之京、奏與泰親官、以政出足利氏不行、勅補三河目代、後為從五位下、參河守、使子信光居岩津、已老焉、文明四年卒、

信光左京亮勇而好謀、取大給小給安城、文明十一年、撰美丈夫十餘人往舞于安城下、守兵空城出見、信光自間道襲而取之、額田賊起、大將軍源義政令兵馬使細川成之討之、不克、令信光等討之、信光特進兵平之、咸振國中、長亨二年卒、子

親忠、修理右京等亮、襲安城、冒矢石、率勵衆、信光以為有能使居焉、為嗣子付以國政、謂曰、執軍之臣、恃功誇罷、專斷無忌、則親戚離、國人叛、嫌隙於是乎成、諛言於是乎起、一人倡之、衆人和之、無所底止、釀成其禍、以隕國家、必其速斷無疑、諛言無止、嫌猜互起、

則雖忠信之人、保無然叛耶、世臣巨室、國家之固、苟無信臣、雖日廣百里、誰與之守、憂與之俱、樂與之俱、無使失所、親忠深沈、有大度、知過能改、以恩信使民、得其士力、常謂將吏曰、為臣之患在營于私、苟營于私、則請謁行、請謁行則附下罔上、附下罔上則覆己不暇、卿等為股肱心膂、以信義涖民、公正待物、雖欲無與得手、又曰、子若多費、皆曰、匹夫匹婦猶不免有費、矧國乎、且損君利民、莫憂曰、然非是之謂也、人有善則贊之、不善則諫之、却毒臣舉正人、上養主德、下適民心、雖万石足愛耶、國有聚斂之臣、則民怠于農、

朝有諛諛之臣、則士伏于野、坐糜廩俸、隨蠹國事、是予所謂費也、明應二年、上野阿部孫次、寺部鈴木重辰、舉母中條出羽、伊保三宅清寬、八草那須宗九合兵伐我、絢取岩津、分其地、我兵三千、迎擊戰于伊田、大敗之、六年、附軍事于子長親、使居安城、九年卒、遺命薄葬、夕畢、遣子弟歸邑、十五日除服、長親立為藏人、改出雲守、溫柔有惠政、駿君氏親曰：親忠善用兵、其嗣亦甚不取、後必噬臍、永正三年、使軍師平長氏將萬餘人伐我、長氏圍長親兄親長于岩津、分榆木牛窪兵斷岡崎之道、於是參兵不得合、

長親獨与帳下五百人出、下馬謂曰：見衆不進非勇、棄兄不救非義、無此二者不若死也、且戰在和在不在、衆共死赴敵捷必矣、唯功多賞薄、不忍置公等于死、然失岩津、於衆亦不利、將涉矢矧、投觴於瓶曰：擊衆無若昏、軍急不可入、夕相酬、將士以次起酌、無失時、東兵以參不能出、不設備、長親涉河擊大、敗之、田原戶田憲光等降、駿兵解圍而去、長親後築神戶老鳥、天文十三年卒、子信忠、藏人、幼穎悟、長代父位、驕恣、日夜車馬淫樂、厚歛供其欲、國人或謀廢之、立弟信定、信忠聞之、大聚群

臣引謀立信定者、斬之、立子清康曰、此兒克成大事、公等善事之、無以我故負我先君、言畢而出、皆曰雖老強留、曰諸君在復何求焉、且我在棄我亡者無返使、見夫人曰、見婦女子恐改慮、大永三年剃髮、改名祐泉、宮大濱居焉、享祿四年、四十二年、清康幼嫻武藝、短小、眼光射人、見老者問家國興廢、見將領問進退攻守之形、不至問故、聞其死則泣、十三受讓、恒置酒飲士、有使還者、方食入見、清康寫羹酌酒、其人有難色、清康曰、心一而已、口豈有異哉、勿以細行傷我意、其人出曰、今者我飲我血、其得人之

心如此、故下至皂隸樂執役、不顧妻子、以安城為遊息之所、大永六年欲遷于岡崎、族人親貞居岡崎、不可曰、我兄往代西鄉氏有焉、以無子傳之于臣、是西鄉氏之舊也、臣不敢失、清康怒曰、微京兆公西鄉氏安傳之于彼、必伐之、大久保忠茂、蘆山中取之、親貞恐納女、与城求和、清康居岡崎、併其衆有之、教士五千、享祿二年伐吉田、斬牧野三成、天文元年三成弟信成復襲取吉田、清康赴之、信成未食渡河沈舟、陷陣而進、軍吏欲還、清康曰、勇而無謀、驕而輕敵、敗必矣、与信定犄角而進、不利、清康欲馳、阪部友助杉浦

鹿助久世甚五郎叩馬止之、清康欲斬之、信定自側叱使去、三子竟不可頃之曰、可縱兵擊、大敗之、斬信成及其身成高田原山家作午段嶺長岡野田設樂牛窪西鄉榆木伊奈西郡皆以兵屬之、州東平、及攻尾取科野、取岩崎野呂宇理、初帳下卒有罪、清康緩使逃去、攻宇理、所逃去卒開門納兵、城主熊谷直則脫身逃去、秋攻尾島拔之、二年春敗廣瀨三宅貞安、寺部鈴木重恒于岩津北、斬首虜三百、冬深志小笠原長時冒雪來侵、清康急攻敗之、斬首三百、甲君武田信虎使人來盟、美濃諸將請結好、

於是勝兵一、萬、繕器械、積芻糧、慨然有掃清京洛之心、松平忠定以守山降于我、四年因之代清洲、織田信秀不出、止軍于守山、時信定居上野、稱病不從、酒井氏忠、大久保忠俊、阿倍定吉言清康曰、清洲有前上野有後、守山其姻也、上野有變、守山必應、是腹背受敵也、雖有衆無用、不如還、清康曰、叔父至親、實無二心、守山掌握之物、已不足慮也、予自始立、以寡擊衆、以小敵大、所向無不摧破、公等所見也、今不戰而退衆、其以予怯尾後無為我用、信秀出可虜矣、不出圍而後謀、初定吉使使於信定、釋怨至是人咸言定

吉欲立信定、定吉無以自明、恐大誅之至、偶會馬逸
軍驚、定吉子正豐為誅定吉、自後弒清康、植村榮安
立斬正豐、定吉將死、氏忠々俊交止之、定吉遂収兵
帰、信秀蹠之見其整不敢擊、清康子
廣忠尚幼、信定誘長親代立、因尾之勢、劫將吏、定吉
恐以廣忠出、自神戸之勢州、吉良持廣迎而授之館、
加元服、明年定吉說持廣以納嗣子之利、啗今川氏
輝、々々許之、會持廣死、子義安与尾成、定吉復以廣
忠之長篠、參大臣潛許納焉、使定吉弟定次納諸今
橋、冬、義元取牟呂居焉、義元氏輝弟、氏輝死、代為駿

君、六年信定圍之、不克、松平信孝、大久保忠俊為内
主而請長親、々々許之、五月朔、帰岡崎、叙信定等罪、
七年廣瀬城主佐久間盛重、數為寇、天野景伴為叛
往刺、不殊、九年夏、尾攻安城、松平利長擊却之、弟信
廣死之、十二年秋、攻東條、西條、降之、尾兵五千出馬
頭原、駿將重齊師二万人救、我戰于小豆、敗、冬、尾襲
上野、長親卒、織田敏宗乘喪圍安城、不克、傷股而走、
信秀怒、親將來伐、拔安城、降佐崎、十四年、敗尾于清
畷、酒井忠尚、松平清定入上野以救、圍之不克、十五
年九月、作二隊攻之、清定等降、親信岩松、弥八、醉傷

廣忠、植村榮安捕殺之、宥其子為樂戶、駿取我吉田、阿部定吉等患信孝專、十六年正月信孝之駿、因逐之、奔尾為岡城主、与忠倫忠尚廻岡崎、欲道尾伐我、廣忠恐遣箕重忠刺忠倫于上曲、冬、乞救于駿、求質世子、世子至田原、信秀賂戶田政光奪之、使人來求平、廣忠不可曰、頃年干戈相繼、死亡載路、非君之故乎、予不忍以兒故率其子弟、受盟于父兄之儼、守山之難、駿克定我、自古有死、無信不立、兒之命在君、何辱命之有、十七年信秀入上典、廣忠以駿兵敗其庶兄信廣于小豆阪、大久保忠俊等殺信孝于萱生

川信秀乃還、既敗尾將荒川勝季于重野、追至西野、又敗之、反敗八草梅坪兵、信秀數戰不得志、出兵于柳池、廣忠擊大敗之、信秀單騎脫走、十八年三月三日信秀死、子信長立、廣忠因欲復所喪地、攻岡城、走信廣、既病六日卒、年二十四、慶長中贈大納言廣忠幼遭車變忌諱、不能推腹心于衆、宗臣巨室、內不自安、州內分裂、國終孤危、神祖還岡崎、當今川氏之衰稍、復舊境、懷豪傑、佐織田氏、抗豐臣氏、數年之後、竟致疆大一戰、天下大定、再戰遺孽盡殄、慶元之際、四海皆歸德川氏

神祖紀第一中
神祖諱家康、天文十一年十二月二十六日生于岡
崎、始生其王父見之曰、兒也、聲音非常、必安天下者、
迨贈納言為尾所困、質于駿、求出兵、至田原、戶田政
光奪致諸尾、岡崎人森新八從、尾將林通勝來潛詣
神祖所、告以政光謀、欲与俱去、從者以親故不信、至
乘舟尾、兵從後至、衆始大驚、信秀館諸熱田、使人求平、
不可、徒諸清洲、既聞贈納言卒、悲歎絕者數矣、義光
以為尾挾嗣子、岡崎人勢不能不從、是生一尾、遣其
將朝比奈泰能、戊岡崎、三月我兵攻安城、冬、駿、豐、齊

神祖紀第一中

神祖諱家康、天文十一年十二月二十六日生于岡

崎、始生其王父見之曰、兒也、聲音非常、必安天下者、

迨贈納言為尾所困、質于駿、求出兵、至田原、戶田政

光奪致諸尾、岡崎人森新八從、尾將林通勝來潛詣

神祖所、告以政光謀、欲与俱去、從者以親故不信、至

乘舟尾、兵從後至、衆始大驚、信秀館諸熱田、使人求平、

不可、徒諸清洲、既聞贈納言卒、悲歎絕者數矣、義光

以為尾挾嗣子、岡崎人勢不能不從、是生一尾、遣其

將朝比奈泰能、戊岡崎、三月我兵攻安城、冬、駿、豐、齊

秦能圍安城、伏兵擊敗尾、援兵信廣出城應之、聖齊
與參兵迫、不得入城、信廣僅百餘騎走保子城、聖齊
使人說以易嗣子、義元以岡崎在尾境而嗣幼恐生
變、居諸駿府、置吏與我將吏交治國事、松平家乘松
平家次酒井忠尚酒井忠次等居駿府、老臣盡納質
子、收其田量口給糧、出軍使居前、希其失亡、公居駿
府、恐其衆散、賜國人書曰、待予歸彼田宅、衆懷書泣
曰、生不十歲、不憂霸旅而憂流離、有君如此、孰患無
田、是年駿參攻南端、明年大將軍義晴薨、二十三年
取嶋原、時公年十二、駿俗端午投石為戲、負公越左

曹公曰、左曹侍衆取敗之道也、不若往右曹、々々果
勝、義元聞益重焉、弘治元年參駿攻蟹江、二年正月
尾攻我福釜、十五日元服、名曰元信、之岡崎下馬勞
士庶、無不泣者、遣使幕府獻馬一匹、明年春在駿府
改名元康、九月天皇崩

永祿元年伐寺部、燒其郭、伐廣瀨、舉母梅坪伊保、敗
水野信元于石瀨、義元曰是龍種也、歸我山中、二年
春本多廣孝石川清兼天野景隆請徹戍兵而歸公
岡崎、質將吏妻子、復始田宅、義元不可曰、待我得參
西而後議、去年參兵連捷、今年鳴海大高沓掛反尾

降駿、遂欲困尾、恐連壘自固、公以駿令輸粟于
大高、逢信長出諸將欲還杉浦時、勝曰、持滿上山不
在戰、速前莫生謀、公廼遣遊騎、奉火寺部梅坪諸城
出兵救之、因直納糧大高、既攻降旁縣邑、三年五月
義元大舉伐尾、公會義元于池鯉鮒、反攻丸根、佐久
間盛重、佯死得脫、使公守大高、別遣將技藝津、所向
無不克、益輕敵、不設備、信長冒雨下山、襲義元于狹
狹斬之、駿兵守城者皆潰、公衆欲歸、公曰、軍中多訛
言、如何輕去、水野信元公舅也、使騎淺井道忠來言、
公曰、舅氏尾屬不可信、拘道忠不出、既候者歸、衆欲

復去、公不可、待月方癸、川屋兵衛路望見道忠、不敢
動、比至國崎、駿將已去之、公曰、駿將異日將以我為
辭、次于大樹寺三日而後入、公居清洲二年、居駿府
十二年、脩營艱苦於義元、滅以為駿、固不義、不足與
也、又恐尾乘其弊、屢出攻其邊、擊廣瀨城主于拂楚
阪、斬之、取廣瀨、攻齧掛、侵石瀨、敗舉母梅坪寺部、攻
駿、戊午、醫王山鳥屋根走之、四年春、侵石瀨、拔岡城、
於是信元知我與駿有隙、平尾于我、公許之、取丹家
鳴海、沓掛、廣瀨、舉母、梅坪、大高、川屋、岡寺部十城、正
尾參之、疆、盟、信長于清洲曰、尾為政于天下、參從之、

其於參亦如此与保戮力勿相為害饗祀送至野三郷
至境又使林通勝菅谷清宗乘拜從是參專東面与
駿相距四月改嶺長篠野田月谷咸降秋石川家成
圍長澤而還逢公還自攻牛窪俄城中失火家成以
為公入城公亦以為家成燒城西軍反赴之城潰九
月酒井正親定西尾東條五年二月二十五日改名
家康稱為藏人三月拔西郡斬鴉殿長持執其二子
易夫人世子于駿九月將討佐脇酒井忠次与牛窪
八幡兵戰于小境敗公疾前大破之屠佐脇八幡濱
松取尾致實嵩山奥山貞澄降駿將新野親規攻致

實共死告田城主小原鎮真集將吏妻子質者殺之
尸諸城上公怒六年正月築寨自牛窪起属吉田冬
親鸞徒依吉良義昭作乱荒川義虎松平家次松平
昌次酒井忠尚誘諸不得志者起兵為駿守國半為
賊將為寇舉燧相呼公以是先出赴之賊望見即走
七年正月立寨迫佐崎賊爭之燒作岡大平公絕歸
路破敗之矢及響策針崎賊圍上曲公赴之逢賊已
破追戰佐崎又破之二月矢田清解以賊襲岡崎不
克殺清解賊益衰因水野信元乞見釋大久保忠俊
亦屢為言之公乃逐首惡者赦其餘破東條毀四寺

比賦平駿復取佐、賜八幡、三月敗駿于牛窪、壁于一
宮而迫牛窪、五月氏真兵二万人拔高山圍一宮、公
兵三千入一宮、出其兵張陳于本能原、會有言武田
信虎欲襲其後、氏真引兵還、公攻五油克之、牛窪榆
木降、圍吉田取之、小原鎮真請以今川氏所有參州
之地与我、得質子歸駿罷兵、公遣異父弟康勝与大
臣酒井忠次女、取其城、八年拔寺部田原及濱松、飯
尾致實妻鬪死、分其地与致實故將江馬安藝、作午
降置三奉行、九年十二月二十九日為從五位下參
河守、復德川氏、十年初參駿之屬也、迨氏真時併送

江之半失之、武田晴信以為我竟滅駿、非甲之利於
其相攻時、欲取參所有、今川氏所失、參東之地而絕
我東出之道、使驥臣跡部信元往請故參東之地、氏
真大望曰、我力能復之、不煩舅氏、且舅氏非利于我、
將禍于我、晴信笑曰、信然、与坐視其為人所伴而懼
其患、孰与共伐分其地而無後患也、七月使其將山
形景仲來約、以駿、自大井川東為甲、西為參、十一年
正月十一日任左京大夫、三月公拔堀川、迫宇豆山、
小原鎮真度不能拒、伏地火而去、兵未入火、癸、二股
久野頭陀寺降、九月松平信一會織田信長納大将

門
卷
第

軍源義昭于洛、十二月出兵應甲、取井伊刑部、江馬、安藝、殺牙加賀、亦為其下所殺、高天神嶋、降、武田、暗信入駿、氏真奔掛川、天野景貫引甲將秋山信友、出于伊奈、擊久野宗能于鼻關淵、聞公至而去、已又自二股進、敗與平貞勝、菅沼定盈于見附、公使人讓曰、不去將擊、信友恐歸、十二年正月甲君欲伐相居駿府、屢遣兵來侵、公使人言暗信曰、取掛川在且久、加約勿得相侵、暗信許諾、而尚猶不止、公乃城見附、遷之、圍掛川、不克、壁于天王山、氏真許久能、宗能賂襲我後、宗能佯許之、伏上將軍擊敗其軍、又戰于天

王山、敗之、置三戌而歸、分兵定旁城邑、二月攻掛川、斬首二百級、使淺原主殿說曰、參駿世有盟誓、豈敢有貳、而君誤聽、左右至于此、掛川雖堅、不足待甲、若能以相兵擊其東、我擊其西、暗信可敗、氏真於是欲之、相公罷歸岡崎、留諸將防佗變、前還自掛川、堀川人欲襲公、不及、三月渡海攻堀江、還拔堀川、四月堀江降、使松平家忠送氏真于小田原、五月公略地至大井川、甲將山形景仲見從者寡、襲公不克、遁去、暗信使人言曰、初約以天龍為界、何故侵我地、公怒攻駿府、拔之、時暗信拒相兵于薩埴、聞公至、歸甲、公為

氏真城駿府、六月晴信出川鳴島、山水暴至浸其宮、
晴信遁走、公出兵降天方、取飯田、九月相兵在駿、晴
信出自東方入相、氏康恐徹駿之成、自守、晴信乃入
駿、屠蒲原、取駿府、公取小山、

元龜元年正月、將居見附、已城濱松居焉、使信康居
岡崎、四月會信長于京師、入越前、會淺井久政、欲襲
後、信長遽歸京、不告公、公与羽柴秀吉、稻葉通朝、後
行、迎丹羽長秀、明智光秀于若州、而後反、六月遣使
北越、淺井久政會朝倉景撫于大寄山、信長伐之、公
請通朝自從、江兵晨渡姉川、擊敗尾兵、參兵渡城川、

擊敗越兵、追至克御前、通朝反、擊江兵、公敗、信長
曰、公勇略、十高祖、百張良、八月參遠大風、獲錢穀振
民、信長之橫、江越軍于比叡山、佐々木義賢軍于江
東、欲伐信長、々々告急于我、遣石川家成、酒井忠次
軍于勢田、二千人、數要擊江越兵、義景等不得志、請
平而還、十月比叡氏康卒、十一月甲侵足利名倉、尾
平我于甲、不可、二年正月五日、進從五位上、十一
日任侍從、二月晴信屯深澤、二日相兵不出、及道遠
州、軍于伊奈、降作手段嶺、取足助、遠州民叛、五月公
与晴信戰于一宮、比叡使來、信長謂公遷吉田、公怒

晴信

曰、若避甲去濱松、有如今日、對使者曰、唯欲一日居濱松、三年四月甲攻吉田、冬晴信步騎三万五千會山形景仲于遠州、陷多々良飯田、西攻久野、分兵陷二股、公救之不及、作牛長篠皆叛、信長使佐久間信盛等十一軍來救、且止、公無戰、十二月晴信自御方原入井伊谷、公欲擊之、信盛不可、會遊兵接戰不可解、我兵大敗、明日晴信入刑部、我兵從之、斬甲五人、甲入城、天方六笠角輪一宮、

天正元年正月治兵于州東、大將軍使晴信与尾參平、晴信不可、陷野田、直欲之京師、二月晴信攻野田、

時中砲病創、歸甲三月晴信入參州、西出濃州、數日復入參州、欲攻吉田、有病、班軍于浪合、故去年甲入所築四城、及足助鳳來寺城、四月晴信死于浪合、秘不發喪、城社山江臺寺、島倫二股兵、五月視兵于岡部、七月圍長篠、仆旗、收幕若無人、我兵發火箭、風起城盡燒、居數月糧盡、出走、甲將救之一軍出于内金、一軍出于作手、一軍出于黑瀨、會奥平貞能降甲師、乃還、九月武田勝頼出于駿州、武田信綱出于森鄉、欲攻濱松、不克、城諷訪原而反、甲相平今川氏真來奔、今年信長克江越、放源義昭于河内、二年正月五

武田勝頼

日進正五位下、三月上杉輝虎使人言公曰、我出兵
上州、勝頼必至、公宜乘虛畧地、公於是復天方攻乾、
初乾天野景貫道甲兵出御方原、公尤疾之、令人齊
糧攻之、適雨道不通、兀二攻不得志、五月甲圍高天
神信長、知暗信死、欲伐勝頼、發步騎二萬人、會公于
吉田、會高天神、叛降于甲、罷兵退、參駿、餓信長、贈金
買穀、九月甲君渡天龍入二股、三年大賀弥四郎謀
反、伏誅、四月勝頼師二萬人出作午、欲取岡崎、聞弥
四郎被誅、不進、圍長篠、迫吉田、信長竟欲伐勝頼、公
恐勝頼不戰、令本多忠勝、縱反間使言曰、參以尾兵

欲解長篠之圍、信長至岡崎、北畠具教起兵于伊勢、
佐々木義弼集故淺井朝倉之衆、破佐久間信盛于
江北、大阪頭如背盟、應之、信長潛歸岐阜、欲以參遠
奔于甲、勝頼信之、及益急、五月、公与信長至長篠、信
長令人齎一木与一束繩、夜中植柵三重、持滿待敵、
勝頼曰、參尾易與、晨涉澗澤、拔柵、山形景仲中砲斃、
小幡光盛、武田信豊、繼來、中砲者三百人、不戰退、左
軍、麿、武田信綱、伐尾陣、敗、馬場信房等伐破柵、死者
如麻、參六將石川數正等橫擊之、參尾兵十萬齊起、
大呼、勝頼敗績、宿將皆死、斬首萬三千、墜水者無算、

公欲逐進信長不從遂往岐阜拜師六月攻二股田
中取高明諏訪原八月圍小山勝賴救之臨大井川
之上公視軍于川西而還冬拔二股四年勝賴欲攻
二股比越君遺書曰甲復欲出兵以我軍在沼田不
得南下宜乘此機定遠州公因拔樽山景貫与拒觀
潮阪退保鹿鼻公聞勝賴輸糧高天神馳至橫拱塞
瀧阪鹽關勝賴並海入高天神公進軍芝原勝賴退
夏明高船至今切五年五月入駿甲侵遠州秋敗元
山信君于山梨十月勝賴在高天神公屯竭塚備之
十二月十一日進從四位下二十九日為右近衛二

少將六年二月參遠大聖三月比越君死公軍于大
井川上遣兵攻田中圍小山而還秋取田中未迫持
舟冬勝賴出高天神公屯竭塚備之七年初北越君
養相君芽景胤為子迨死其甥景勝与之爭立勝賴
受景勝金不救景胤々々破殺相君怒与我平景胤
勝賴之妻之芽也於是天下不義之勝賴二侵遠州
公屯竭塚備之八月往岡崎世子信康自殺九月相
甲戰于黃瀬公主二山取持舟勝賴還欲与公戰會
富士川溢公取田中未引軍入伊呂冬甲君在田中
公屯見舟備之八年正月五日進從四位上三月改

勝賴

高天神、築壘而還、棄持舟、五月取田中麥、敗持舟兵
于遠目阪、殊亦取田中禾、使酒井忠次圍田中、九年
春、拔高天神、伊賀降于我、不受夏攻、藤枝尾積米東
條二万石、十年木曾背甲、二攻之、屢敗、信長因此攻
甲、參兵三万入駿州、信忠兵五万入伊奈、金森長近
兵三千入飛州、氏政兵三万入豆州、既氏政不進、二
月信忠拔大島諸城、尾解、公取小山、降田中、持舟江
尻、三月降鞠子、興國寺、駿府潰、自市川入甲、勝頼兵
潰于諏訪、信忠追之、從勝頼者可五十人入天目山
闕死、傳首京師、公會信忠于新府、取勝頼尸、葬之、信長

長忍行

長至、盡殺甲降人、獨宥元山、信忠以駿州与我、至濱
松、見待之、三盛悅曰、所以我立功天下、以公能挫甲
也、請奉東條之粟以賞從者、五月如安土、拜駿州、信
長饗之、親餉食、使長谷川秀一從公朝京師、自京師
如大坂、初信長怒、明智光秀以扇撲其面、公如安土、
以光秀為主客、既遣住与秀吉伐毛利氏、請待公至、
不聽、投饗具于江而行、又奪之丹州、代以所未得毛
利氏之地、六月二日自龜山還、弒信長、信忠于京師、
公聞之、欲討光秀、諸將不可、長驅歸參、禿海至鳴海、
聞秀吉誅光秀而歸、於是甲信擾越、兵入川中島、相

兵伺甲州、信長所置守將川尻鎮吉為亂、兵所殺、故武田氏部曲往々相聚作亂、公使大須賀康高岡部正綱、本多正信、依田信蕃往鎮、相兵五万、取厩橋、踰碓水、欲入甲州、大村某謀納北條氏邦于薊、阪有泉大學德、阪常陸討斬之、曾根定頭誘擊敗氏邦、公又遣大久保忠世、石川康道、本多廣孝、本多康重、降誣訪賴忠、小室原信嶺、知久賴元、七月、公如甲府、氏直與公逢于淺生原、氏直將戰、謀至日、霧晦、風力衝、層意者參公親來、不可共戰、此時鳥居元忠破氏政、身氏忠于郡内、公分兵攻降諸為相守者、沼田高遠、叛相

絕其糧道、十月、氏直請以都留佐久、歸伐沼田、屬相釋兵、結婚、約已定、築壘旭山、公怒、三面登山、並下、氏直恐、交質去、公住信州、拔岩村田取、佐久七城、甲信平、十二月、復故武田氏士田宅千餘人、成瀬正一日下部宗好為奉行、統其衆、平岩親吉為郡代、櫻井某市川伊清、工藤元隨、岩間大藏、録謠言、大久保忠世、柴田康忠、菅沼正家、討不服、置官布令而歸、風間某作亂、御手洗直重擒之、柴田勝家使人賀、十一年春、織田信雄來、四月、勝家秀吉戰于賤嶽、公將往、聞勝家敗而止、公如甲府、七月、嫁女子北條氏直、將伐

北越不果、九月如甲府、十月五日進正四位下、七日
任左近衛權中將、十二年二月七日遷參議進從三
位、秀吉略以尾濃、欲俱伐信雄、公不許使酒井重忠
清洲、三月公如清洲、伊賀諸士歸我、池田信輝陷大
山、燒小牧、追之不及、進壁于小牧、敗森長一千羽黑
秀吉兵十三万至青塚、參兵分據蟹清水外山、宇津
田小幡、夜擊長一、敗之、長一愧、四月三好秀次三万
騎自長湫將襲岡崎、參使六將裒甲卷旗而趣之、伐
走秀次、与堀忠次合不利、公適至、敗救信輝、長一斬
首万五千、以本多正信内藤正成討収兵入小幡、秀

吉馳至龍泉寺、會參兵已歸小牧、愕曰、是何神也、居
小幡一日為我虜、益張陣圍小牧、公亦出挑戰、至昏
罷、相人來賀長湫之戰、五月朔秀吉歸、諸將將追公
止之、与信雄同入清洲、六月瀧川一益入蟹江、公破
一益、追圍之、以拔下市場、所得一益甥与一益、二
泣、七月斬城主出降、秀吉救蟹江不及、是月公妹嫁
保科正直、八月秀吉軍于羽黑、公軍于岩倉、西兵望
視、公大恐、秀吉不悅、燒樂田去、九月如清洲、十一月
秀吉信雄相持于羽津、公如清洲、芦名盛重伊達輝
宗長曾我部元親吉川元春使人來請結好、秀吉數

來不得志、歸大山、于信雄以和使者前後數十輩來
參求平、欲求質子、公曰、彼愛將死于我手、求和于我
何也、不許、信雄來拜、公歎出、因為秀吉請一子養之、
諸將曰、公唯二、如之何許之、且秀吉示諸天下曰、參
質子勿遣便、公不可遣秀康、佐々成政、涉信飛之間、
無入之地來參、請伐秀吉、不許、信雄來、十三年春城
吉良、夏如甲府、秋如駿府、秀吉為閔白、北條氏直使
人來求沼田、真田昌幸不冝去、沼田遣大久保忠世
等往擊、增駿府城、冬秀吉使信雄召公、々辭以甲信
未平、十一月岡崎守石川數正出奔大阪、公如岡崎、

參諸將納質子、地大震、十四年正月十四日為中納
言秀吉使織田長益羽柴勝雅屢來請見、公讓曰、秀
吉招叛納亡、我欲伐之、難道于尾且止、汝婦具言、我
取武田氏舊地在濃州者、致秀吉會戰、二月秀吉請
結誓、北條氏政恐請尋盟、三月會公于黃瀬、氏政難
涉川、公与數十人涉川、往見左右曰、德川氏腹、公不
忤、毀沼津城、五月夫人羽柴氏至、尚無往京之志、秀
吉欲質母、召公居諸將子弟于大阪、公乃許、七月如
駿府、將征上田、秀吉為昌幸請乃止、十月秀吉母至、公
往京居羽柴秀長之宅、夜潛至見曰、金崎之役、微君

秀吉非地上人使秀吉昇台位、無非君之賜、然秀吉起自微賤、所臣使者、咸晨時儕輩、內實相輕、非公假礼、無竟服其心、公幸終賜秀吉使終其位、明日公与信雄相讓、秀吉引公先入、公執礼甚恭、十一月為公起第聚樂、以江州三万石為朝宿之邑、五日進正三位、十一日歸至岡崎、歸秀吉母、二十五日天皇即位、十二月移治駿府、秀吉使津田信季來賀、十五年起石城、秀吉定築石、七月如京賀定築石、八月八日進從二位權大納言、十七日歸駿府、十二月二十八日為左近衛大將、領左馬寮御監、十六年正月辭左

大將、三月如京、賜從者爵有差、幸聚樂、詔位于清華之上、五月秀吉召氏政入朝、六月秀吉母病、公与夫人往省、十七年二月如京、秀吉請富士之木為大佛之屋、六月秀吉生男、公如大阪、七月發參遠駿之民伐富士之木、公如大宮、遂如甲州、發甲信之民築東都、秀吉与沼田于氏政、氏政所置沼田守屠名胡桃、氏政又築山中城、不礼秀吉之使、秀吉怒、執其使、十月如京、秀吉告用兵于相、十二月往受兵期、檢五州之田、十八年世子如京、歷日乃還、公曰欲假道中城已使本多正信、本多重次按行諸城、居三日使人來

吉川廣家守岡崎二月十日發兵東出善德寺中窪
泉頭獅子濱戊潰遂壁于中窪三月二十日還見秀
吉于駿府共往中窪公從函嶺北道堀秀政從南道
夾秀次軍鷹巢豆柄新莊戊潰擊走宮城野湯本竹
浦兵四月圍小田原城久不拔有言公信雄有貳志
秀吉以小早川隆景討就二營飲流言乃止又以公
言分兵攻降縣邑七月氏直降于公公使因羽柴勝
雅請之秀吉令井伊直政榊原康政出其衆賜坂安
治片桐且元禁虜掠秀吉初約赦氏政於是皆而殺
之以其故地豆相武安二總二野封公治江戶以江

州九万石為朝宿邑石部關四日市白供末野中泉
清見寺島田為獵地明日秀吉如奧八月朔公入江
戶封邑有差食駿甲信者咸減削置五將統關中衆
更守伏見邸置三浦三崎奉行秀吉還自奧公与之
會于武府奧民作乱使秀康伐之尋亦遣公十九年
正月至古河而還閏月為移封故如京与俱獵清洲
又使公及秀次伐九戶六月公至至岩手秀次至國
分寺九月遣兵攻降九戶遷伊達政宗于大崎而還
十二月三好秀次為關白内大臣稱秀吉為大閣
文祿元年增置大衛將秀吉將征朝鮮公部上松景

勝佐竹義宜伊達政宗南部信直如名古屋七月城
江戶秀吉歸京、屬公及前田利家以軍事、十月秀吉
如名古屋、二年八月秀賴生、秀吉歸收見、公還賀之、遂
歸江戶三年致徒役城伏見、從秀吉遊芳野、還饗于
伏見邸、九月公女嫁池田輝政、四年三月饗秀吉于
聚樂邸、贈者山積下及輿僮、五月歸江戶、七月秀吉
使來告慶秀次、公即日出江戶、公女嫁蒲生秀行、罷
朝鮮兵、

慶長元年春復伐朝鮮、五月八日為正二位內大臣、
稱為內府、閏七月伏見地震、二年八月征夷大將軍

源義昭薨、三年六月秀吉有病、伏見民夜臥憂之、謂
公曰、天下方難非君不可濟也、我死君居我位視秀
賴如視余、迨長也、唯君所使、公固辭曰、父子相養、誰
敢有貳、擇置輔弼、尚將何慮、石田三成增田長盛沮
之、乃置大老中老奉行、維持天下之政、以公及前田
利家浮田秀家上杉景勝毛利輝元為大老、曰內府
固讓不受、天下不可一日無君、是以置輔弼立少子、
職任已定、悔之靡及、內府其總五老奉行寮、不否進
退之、莫違內府、令進誓書、秀吉以變詐御衆、諸將猜
忌、莫能相親、爭趨車竭死力、怨讎不解、於是恐不利

少子、令淺野長政平之、不克、公為居間、事解、秀吉悅、
飲食諸將、尚有不平之色、公援刀而起曰、諸將賣我、
々不可坐、取罪誰与我同死者、座中大駭、罄歛而罷、
七月石田三成、大野治長、閱兵器、商民大擾、十八日、
秀吉薨、奔散如寇、至公居伏見、統軍國事、利家居大
坂、輔少主、四年正月、諸族見公如見秀賴、大老奉行
不悅、公奉少主遷大坂、二月、与大老奉行盟、利家來、
公將往謝、三成止公曰、利家有謀、不若勿往、公不可
三成欲因襲公、池田輝政、細川忠興、福島正則、黑田
長政、加藤清、堀尾晴氏、藤堂高虎、從公往來、三成

不敢動、三月、移向島、五奉行剃髮、見公于豐後橋、閏
月、諸將請誅三成、公不許、罷其奉行、歸澤山、四月中
老以命、々公居松丸、以公兵守內城、討石曰三成之
乱之故、正福原直高等罪、遣伐朝鮮諸族、歸國、明年
秋、至阪、上秋、景勝以移封、前田利長以新立、亦歸國、
明年春、至阪、公如大坂、八月、朝京師、九月、公以為流
言之起、以与少子相遠也、移居大坂高臺、出西城、如
京師、奉行長盛、正家請居西城、天竺列族、郎權門
皆毀之、言公曰、利長將不利于公、比見少子、使与長
政圍碁、治長雄久居側、伺使公夜往見、長盛明日晨

入見少子、從者從上、屢無敢呵止者、既罷長政奉行
歸國、逐治長雄為將、伐利長、徵師澤山、利長恐質毋
江戸、冬狩于茨木、利家語賜士大夫

神祖紀第一下

五年春上杉景勝不朝、公彘兵討之、公自白河、佐竹
義宣自仙道、伊達政宗自信夫、最上義光自米澤、前
田利常自津川、同入會津、六月公東出、諸侯兵五万
人從南遊鎌倉、七月至江戸、与諸侯置酒高會十九
日、先遣世子、二十一日出舍鳩谷、聞石田三成作乱、
益徐行至小山、會鳥居元忠書至、諸侯納質請討三
成、真田昌幸遁歸、晦日伏見陷、八月朔立忠吉為將
井伊直政本多忠勝為護軍、以諸侯兵西、関東大小
泷河歸江戸、二十三日諸侯拔岐阜、彘関中卒守海

道諸族城、九月朔聞諸族拔岐阜、以兵三万人、
元賜書于世子、會于濃州、藤堂高虎請入岐阜、以世
子不至、伴病居清洲、二日入岐阜、明日至岡山、諸將
欲攻大垣、公曰、城固兵衆、攻不必克、夫三成示欲我
攻之也、我如菩提城、三成必趨利出、則為我擒、是時
毛利秀元壁于南宮、羽柴秀殊壁于松尾、与三成不
相得、三成夜加膽吹之陽、欲使二族先戰、而乘其弊、
与浮田秀家、島津義弘、小西行長、僧慧瓊、戸田重政、
布陳南北二十餘町、大谷吉繼有其南、脇阪安治、朽
木元綱等在其後、陰備松尾之變、長束正家長曾我

部泰親与秀元並陣、九月十五日、公使堀尾忠氏守
岡山、出軍野上中村、一策塞大垣道、池田輝政、淺野
幸長、德永壽昌、市橋長勝、松下重綱、金森長近、一柳
直盛、橫井伊織、山内一豊、有馬則頼、當南宮兵、福島
正則為前鋒、松平忠吉与直政、忠勝在其後、細川忠
興、加藤嘉明、黒田長政、藤堂高虎、石川貞政、織田長
益、繼進擊三成于關原、破之、斬首三万五千、迨受功、
求曾曰、自古莫能處勝、三成猶在、請凱歌、公曰、諸族
妻子在敵、之午非我、故乎、我獨何心、作凱歌、十七日
拔沢山、正家入水口、自殺、十八日獲行長、明日天皇

使人勞公于草津、遣大野治長于阪田賦臣三成、狀
僧慧瓊構我二家、今已破矣、相親如舊、無有嫌隙、居
大津三日、獲三成、慧瓊与之鮮衣及行長二十五日
治長來、故增田長盛于高野、二十八日至阪、居西城
天皇使人來問、於是四海歸于上、以直政、康政、忠勝
為執政、正純為奉行、直政等議曰、阪天下首領、先代
居此、号令天下、請移秀賴而草民之視聽、上曰、少子
無知、非其罪也、輔佐得人、雖居此、無害、梓片桐且元
為阪相、十月朔、斬三成、行長、慧瓊、直高、象首、京師、十
二月、皇子政仁為皇太子、上詢立立都于世子、對曰、小

子安足、与議、願隨天下之心、無所不可、上大悅、以江
戶為都、以河楳封阪、大列族宗室、

六年二月封功臣、關外有差、三月如伏見、置天皇湯
沐邑及公卿采地、以万石奉豐國廟、二万石与高野、
以板倉勝重為所司代、關東疫癘、九月建学校于伏
見、十一月歸江都、本多正信内藤正成、為奉行、掌租
稅、青山忠成、為江都令、上如忍、癸關中諸族城、二條
七年正月六日進從一位、二月聞加賀侯將朝、如伏
見、侯乃如江都、井伊直政卒、三月如阪、四月朝京師、
六月增伏見城、九月傳通大夫人薨、十月歸江都、十

二月如伏見

八年二月如阪、秀賴為內大臣、十二日天皇使推大納言兼勝參議光豐往伏見、拜上為征夷大將軍、右大臣、淳和、焚學兩院別當、源氏長者、右馬寮御監、賜牛車兵仗、八月放浮田秀家父子千八丈、十二月歸江都、京師多盜、十家為黨相察、一家有罪、九家連座、九年二月東海東山北陸三道築一里塚、三月自焚海如伏見、閏八月歸江都、九月增皇家邑為万石、十年二月如伏見、朝鮮王使其臣孫文或、金孝緯及僧松雲來求平、歸俘虜万餘人、四月朔、葵、解大將軍

兩院引當授世子、十二日秀賴遷右大臣、十六日世子拜大將軍、大旱、七月江濃勢尾參大水、八月關東洪水、十月歸江都、十一月如忍川越、十一年正月令池田輝政、福島正則、淺野幸長、加藤清正、黑田長政、城江都、藤堂高虎、量功分地、三月上如京師、至駿府、樂馬移城主、信成于長濱、將居焉、四月如伏見、如京師、十一月歸居西城、狩川越、十二年正月、癸、越前、美濃、尾參、遠之民、城駿府、三月、還駿府、五月、於清見寺見朝鮮使者、賜刀鎧等物、七月三日、城成、十月、如江都、十一月、如忍川越、十二

月歸駿府、二十三日內城災、避火竹腰正信宅、遷本
多正純宅、令勿吊火、
十三年飛參遠民、採材于木曾熊野伊豆、三月而成
九月如江都、狩武野、德祖朝上于府中十二月歸駿
府、
十四年正月如尾、四月殿前有人被髮敝衣而食、
無指、問所從來、拳手指天竟不言、又一男子無故至
寢室、下並赦勿殺、九月令曰、比者西諸侯增城浚池
造大船、不知其極、今建其制、悉收大船、歸之有司、十
一月如江都、至三島有病而還、移阪猿舞戶于駿府、

十五年正月如尾、移治名護屋、以故都僻隘也、八月
中山王來、十月府厨火、遊獵至江都、今年攻燒蛮船
于長崎、外夷款塞二十餘國、
十六年正月狩榛原、三月如京師、帝將進位相國、不
受、請贈義重廣忠、贈廣忠從三位大納言、義重從四
位下鎮守府將軍、二十七日天皇傳位于皇太子明
日秀賴來、令諸居阪者、無故相會、飲酒作舞風俗日
頽、自今代居駿府、留一二年、四月使義直賴宣如阪
報秀賴、諸侯上誓書、是月歸駿府、七月定取法、城皇
宮、八月朔置史官、上狩淺間砲連三萬、張候百二十

秀賴

步三甕三中、十月東出而獵、德祖朝上于金川、至江
都、召賜諸族妻子食、如忍如川越、聞義直病瘧而還、
德祖朝川越、十一月歸駿府、以義勢江十三万石属
駿府、一十八日見明人、
十七年正月狩遠參尾之間、三月囚有馬暗信于甲
府、禁耶蘓教、四月雨雹、春日山祠屋上交木折而墜
地、天皇求過自責、上報曰、二祠久不脩、怠慢則有災
異未矣、願勿勞聖慮、命後藤光次如江都、立阡陌、七
月京師有異人、曰因果居士、年九十餘、多知前代事、
召見賜宅駿府、十月獵至忍、閏月如江都、聽越獄十

内
卷
三

二月歸駿府、蒔田正時來、以前令也、
十八年草王家制五條以奏、十月如江都、北出狩、十
二月將歸至稻毛、甲人馬場忠時上變告、大久保忠
隣反、德祖朝于稻毛、復如江都、
十九年正月稱勢州神遊行、海道傳相奉、上令禁之、
狩千葉、將歸駿府、令本多正信、藤堂高虎、毀小田原
郭、德祖朝上于小田原、陳兵函嶺、大磯、以西三嵩以
東、止行旅而行、本多正信、本多正純、為檢耶蘓使、天
皇欲進上相國、准三后納孫女為后、上辭相國、准三
后、四月五日、電駿、南海中得奠、三尾狗首龜身鱗鬣、

内
卷
三

如及擔之、二十人僅能堪七月僧崇傳言秀賴作鐘
銘祝咀上、前田利常上大野治長贈兄利長書与奉
兵事十月京兆尹言阪欲誅且元免兵、且元亡入茨
木上使大野治氏徑阪問且元所坐不得入阪而還、
因言曰、臣兄及織田長益之謀也、上不憚、迨治長為
刺客傷、竟遣治氏、又放增田長盛入阪、長盛謝老不
能行、遣子宗室、七日設居守部、吏士出舍田中、從者
五百人至岡崎、出令、諸侯秀賴恐與德永昌重書
謝請罷兵、上不聽、是日日本多忠政進兵牧方、九鬼守
隆入新家、十七日京兆尹言阪定反、令本多正純免

西諸侯、二十三日至二條給諸軍糧、以十月二十日
為始、不問遲速、置関津防姦人、使藤堂高虎先往嘗
敵、十一月松平忠明至平野、松平忠繼克神崎、十日
德祖至伏見上聽浮屠說法、十七日上至住吉、加賀
侯陣岡山、為東路前鋒、越前侯次之、德祖陣其南、藤
堂高虎井伊直孝為西路前鋒、義直賴宣次之、上陣
其後、仙臺阿紀兵攻西南、播磨兵攻北、米澤秋田松
江酒井家次本多忠朝神原康勝所部攻東、元三十
万人、决淀注鳥養天滿為陸、編竹開穿地道、十九日
阿克穢多崎、置行人十五、貞二十、十六日破鴨野、明日

取葭島博勞淵二十八日增軍糧二十九日天皇使人來勞西諸侯罷臣納質子于伏見晦日阪棄天滿仙波十二月小堀政一中坊定次往和州捕阪兵妻子上不欲傷人令持矢炮者草堤而飛九鬼守隆斷河口六日移營茶臼山上不夕而行矢石不能傷甲山畦關北者不勝紅牙至命令操煥賜外諸侯銀各百貫自九日每夜作聲使城中不得寐造雲梯十五日上欲移大阪質澱夫人而罷兵秀賴曰給將士俸而東澱夫人不省以阪代阿讚豫不与之安總二州不可天皇乃欲詔秀賴罷兵上止之曰秀賴不奉

詔成意不成不若使其自計於是正純約毀外城謝諸侯秀賴許之出大臣之子為質令木村重成出盟于上板倉重昌入盟于秀賴二十三日九州兵至兵庫而還二十五日上如京師留德祖毀外城改元上議請用李唐年号詔上正月節會白馬踏歌親王准后宮位儀則上以非倉卒可成歸至駿府撰定是年海上無風舟船不阻

元和元年正月三日上東歸往々止使鷹二月七日德祖朝上于中泉初秀賴集五方餘迨受圍淀夫人悅和議客將僥倖圖富貴兵罷無所歸說秀賴曰前

親鸞氏以一旅抗織田氏者、得地之利也、大閣以金天下之力城焉、粟米充叔金帛山積、雖外城毀、豈如親鸞氏之時哉、背城決戰、不克則堅守、諸侯久之無功、必生異圖、當是時為二公計、不過求和二公求和、所欲可得、秀賴然之、海道又傳奉伊勢神下所在禁之、三月五日京兆尹言秀賴又反、四月四日彘駿府至、名護屋、徵兵四方、十八日至、二條大搜、每人二十一日、德祖至、伏見、夜將大野治房寇和州、紀族敗治房于檉井、五月朔上將出會、古田重勝謀反、止曰守備秀賴、出于住吉、分兵掠泉和、四日夜侵和河、德祖

欲待西諸侯、上曰黃口之將、烏合之衆、不守城出戰、雖衆何為、令齊三日糧、藤堂高虎并伊直孝、榑原康勝、酒井家次、本多忠朝、越前侯、加賀侯、入自河州水野勝成、本多忠政、松平忠明、仙臺侯、從越後侯、入自和州、六日勝成、政宗敗後、藤政次等于善田、高虎直孝、康勝、敗木村重成等于若江、七日越前侯為西路、前鋒陣、茶臼山南、勝成等五人在左、忠朝家次、康勝在右、永井直勝、安藤直次在中、軍前、掌號、令義直、賴宣在後、加賀侯為東路、前鋒陣、岡山南、本多康紀、本多康俊、遠藤慶隆在右、六衛將為前右軍、酒井忠世

土井利勝本多正信為前左軍、筑前侯松山侯居中
軍德祖親將丹羽長重保科正光成田氏範仙石好
俊為左軍井伊直孝藤堂高虎為右軍、安藤重信為
後軍森勝永軒本多忠朝小笠原秀政、其鋒甚銳、秋
田實季等十二人疾鬪當之後軍又誤發砲益亂、及
麾下、然敵亦竟破、德祖縱麾下與六衛擊治長、直孝
高虎自傍進、會越後侯入城放火乘之、擊敗治長等
斬首万三千、明日使永井直勝問秀賴、下令赦其母
子、使者未至自殺死、上望天主火謂德祖曰、以無外
患勿怠政、勿踈義直賴宜以為羽翼、休諸侯三年而

而後可使、即起如二條、閏六月傳軍禮于德祖朝天
子饗公侯領令天下、八月歸駿府、十月如江都狩于
總武之野、德祖聞上樂泉頭諸城焉、上女嫁淺野長
晟、

二年正月海道傳送伊勢神々官吉田言神無不至、
何故且行且飛、宜禁令棄之于野、二十一日狩田中、
病止三日、德祖馳至駿府、進醫不可、卻婦人不得侍、
見德祖曰、吾死不恨、三弟幼代、予教之列侯期不來、
速伐之、謂義直等曰、車幕府如車余、出給使令入侍、
左右唯命是從、命列侯曰、予本有參之半、微列侯之

力不至此、今病弥篤、見止于茲、列後其歸國侯徵令、
若或不中意、其復為我所為、莫使民若無道、天下者
天下之天下、顧有德者得之耳、死而有知、非所恨也、
今列侯固請止、若許之、以天下私其子也、非所以示
天下後世也、大賜金帛遣之、三月天皇拜上、為大政
大臣、四月十七日、厭代葬久野、賜神号、贈正一位、明
年移葬日光、正保二年、賜號東照宮、歲奉幣致祭、
史臣曰、天之愛斯民久矣、然非待有德者、不能成其
仁、皇家陵遲、政刑遷于鎌倉、足利氏繼之、禮樂墜于
地矣、德川氏積德數世、神祖以柔致剛、以誠制作依

違于織豐之間、以成洪業、宇內再新、兆民不改、親雖
威惠積厚、為天下之歸往、豈人力哉、

德祖紀第二

卷二

德祖諱秀忠、天正七年生于濱松、神祖已殺信康、立為世子、遷駿、留之居濱松、九歲元服、為從五位下、藏人頭、進正五位下、秀吉將伐小田原、神祖遺世子見秀吉、々々使毋梳髮、易衣、名曰秀忠、謂井伊直政曰、無復田舍之態、使納言視之如何、且納言以爲實、非我所以相待、速歸之、秀吉又自小田原召觀其衆、親被之甲曰、必如我、迂江戸為從四位下、待從、明年補左近衛權少將、兼武藏守、尋迂參議、左近衛權中將、神祖如名古屋、使留監國事、秀吉母死、往弔之、為

内
承
小

從三位權中納言、明年如京、神祖將歸江戶、知秀吉
不憚秀次、曰秀次召汝固勿往、有變入衛大廳、秀次
果欲挾世子使神祖居間、蚤戒世子食、使者屢反、大
久保忠隣載婦人之輿往伏見、秀吉悅曰是驥子及
秀吉病薨、秘未發喪、使人東方來稱夫人淺井氏病
篤即日駕東歸會津之役部諸將兵四万人、至序部
宮、會石田三成反、使世子築宇都宮、取上田與共會
于勢尾之間、以榊原康政大久保忠隣本多正信為
護軍、號為東宮三傑、九月取伊勢山、圍上田、攻五日
城不拔、引兵西、苗木兵遮路、世子恐不及、事不攻去

至濃州、會三成破神祖在大津、欲更世子、大久保忠
隣固爭得止、語在忠隣傳、遂先之阪、二十余日之京、
明年正月之阪、三月之伏見、拜從二位權大納言、五
月歸江都、嫁女于前田利光、七年以關東二十万石
為湯沐邑、盡分与左右帳下、八年春神祖在伏見、令
列侯朝世子于江都、七月嫁女于秀賴、十一月兼右
近衛大將右馬寮御監、九年朝京師、十年三月往京
師、諸侯兵十餘万從、四月十六日帝使權大納言兼
勝權中納言光豐拜為征夷大將軍、正二位內大臣、
淳和獎學而院別當源氏長者、賜牛車隨身兵杖、右



内務省

大将如故、五月神原主嫁松平利隆、六月归江都、十一月置宫衙四将、如鸿巢、十二月南海大风、有山见、八、大東、安二総地、潮没居民、

十一年春諸侯城江都、八月四國中國大风、乙月内城成獵古河下妻佐倉、是年築王城烟草入國、

十二年命米澤侯仙臺侯會津侯山秋侯秋田侯越後侯造天主、四月朝鮮王李岷貢方物、七月駿府城成、通富士川、十月四日淺妃主女、

十三年越前主嫁毛利秀成、四月城江都、五月禁倡家、畿内頻水、八月如駿府、十一日割淨土僧廊山及

其徒六人、以与法華僧日經論法于殿中也、十二月廢永樂當四法、

十四年三月四日月上下如春、五月神原康政卒、七月禁烟草、九月給米六万石、造伊勢二祠、治戊伏見犯法者、冬神祖使西諸侯待歳于江都、命諸侯進大

臣質子、本多忠勝致仕、

十五年閏二月狩于田原城、名護屋龜山、五月薩侯伐琉球擒其王尚寧、八月以尚寧來朝、神祖欲上為茶宴、於是屢遊執政及諸侯邸、

十六年三月城江都、四月十二日皇太子即立、八月

内務省

常州賊起、使人討之、九月上、女嫁越前侯、冬、神祖于金川、于川越、賜從官酒食、金帛、上至孝、能兼順、小心謹慎、未曾有失、旨、神祖好獵、行所至、執政蒞事、下至廝役、皆飽酒肉、近臣日至、候起居、嘗居駿地、餘命阿茶、選有美色者、執菓詣館、戒勿以命、上引使再拜受、送迎如礼、神祖益以称之、嘗從容語左右曰、早聞道者不盡於道、早晚事者不盡於事、以矜己能、而不究所繇也、所謂知其一、不知其二、臨軍躡路、念此可無大過、十一月、伏見火、列侯第十七盡燒、是月、通鴨河、奥州海溢、殺人馬數千、琉球人來、

十七年三月、禁耶蘇教、士人十家為黨、相糾、市井賈豎、相集歌舞、結交使氣、凌轢良民、号曰歌舞伎、士人無行者、從之為群、或至為友、殺主上、疾之、令吏捕獲、盡斬、上如駿府、八月、令民勿得殺牛、種烟草、冬、城江都、

十八年、王宮成、冬、朝神祖于稻毛、十九年、正月、囚大久保忠隣于彦根、知政事、待中、奉行上誓書、二月、九日、為從一位、右大臣、三月、彗星見、城江都、高田、赦奉耶蘇者、高山長房、内藤忠俊等、數百人于西洋、其餘不變者、遷諸津輕、四月、三日、日赤

如楮、五月畿内大水、六月遣使者長崎搜耶菟、九月
大風、秀賴以片桐且元軍怨二祖、上聞其招亡命、積
糧草欲討之、使土井利勝迎神祖、神祖曰、予往京、然
否不掩、如反將軍征之、予以十万兵還守關中、十月
罷諸族城者歸國候命、六日大雨雹、二十三日居守
已定、發江都、其衆二十餘万人、二十五日地震、神祖
許待上共進、然秀賴出不得避之上、恐倍道而行、神
祖以勞衆止之、留永原三日、諸族畢至、十一月陣平
野、十七日十二月四日如岡山、神祖將平、上曰、天下
知秀賴之罪、克在且久、若許之乎、何以謝諸族、神祖

曰、古有言百戰百勝非善之善者、又曰、勿侮少寡、今
阪城固食足、攻之多傷人、上將復言本多正信固諫
乃止、於是神祖先歸、上使諸族平溝塹、定法令、明約
束、錫銀列族遣之、息役三年、

元和元年正月朝京師、二月歸至江都、以秀賴背約
命發師、然未顯言伐之、四月如伏見、五月欲出天王
寺、神祖不可、七日自岡山擊敗之、明日秀賴自殺、犬
野治長、真田幸村、森勝之速見、時之等死之、赦從秀
賴者、勿禁錮、大野道軒、長曾我部盛親、真田幸村父
子不在此令、九日如伏見、留大衛四將守阪、秀賴子

國松、道軒、盛親捕獲伏誅誅增田長盛于川越、古田
童勝于京、治長子治德于下谷、及將吏質子、二十日
西諸侯至、命歸其兵令畿內捕賊六月朔江都地震
再朝王七月頒令天下歸江都十二月令侯國毀城
壘、與羽二州、不在此令、賞從軍者
二年正月宗室列侯有司至、巫僧執質賀歲首、其大
夫以上賜衣一襲、四日而畢、令每歲為例、二月朔聞
神祖不豫、馳二日夜至駿府、四月上妹嫁紀侯、十七日
神祖厭代、二十五日謁梓宮于久野、禮畢東歸、五月
禁惡錢令曰、一切行禁在路者無所取給、其令所在、

郡國以菽粟更惡錢如時價、造倉藏之、俟後令、令士
人無籍者、無得居京師、六月制万石以下弓砲旗槍
軍賦之數、增大衛為十將、九月發北方諸侯、大治光
陵、十月禁種烟草、勿妨田作、建祖廟于參河、鳳來寺、
分神祖所御器用、財賄賜三藩、擇列侯有司、長年熟
事者、日夜更入、倫應對、及有出入東宮者、以物故多
也、
三年正月補行人十七員、西城十八員、四月如光陵、
赦阪亡人、五月朔雨雹、枯麥、六月如京師、八月彗星
見、朝鮮王李瑋使其臣吳允謙賀平阪、二十六日天

皇崩、上皇踐祚、晦日正清主卒、九月歸江都、十一月
狩東越谷、令戊伏見者得歲相代、
四年鑿隍西城前治光陵者役半、四月楓山祖廟成、
七月上妹嫁本多忠刻、十一月狩武總之野、
五年正月置侍御史及東宮又置之、四月如光陵、東
南有白氣如牛角、至冬五月不雨、至八月痘疫並行
牛馬多死、彗星見八月洪水殺人畜遺行人安倍正
之球摩誅那須禰正、十月狩東金、十二月五日天
如夏、增職官封邑置大坂留守及左右少尹、
六年二月三月京師頻火、毀伏見城大坂八月幾内

西國大水、十一月狩東金、上女為女御、令宗室列族
徙家屬於江都、自今年至十二年畢、過期者有罰、
免
奧羽諸族城江都、
族城大坂、
七年二月尾郎火族郎二十四延燒六月十一日天
皇冊女御為后治光陵、大抵前諸族也、免今年春罹
災者、八月三日大風暹羅人來十月午刃三宅藤十
郎十一月狩東金、置清水奉行、
八年四月自光陵至宇都宮聞妃病急不宿而去、五
月自知政事以下致徒役修宮室上居西城、世子居
本多忠政第、七月三日天德主卒、十一月内城成、改

内
卷
省

内
卷
省

造天王、

九年松平忠次為世子傳、六月如京師、七月如大阪、
還、請解大將軍授世子、二十七日命下、八月增王家
邑万石如泉堺、十月十九日皇女生、暹羅人來、寬永
元年傳旌旗馬標移居西城、三年如京師、八月十八
日進從一位大政大臣、九月聞妃病而歸、未至而薨、
四年十一月狩東金、往々召賜列族茶、五年如光陵、
八月豐島正次殺井上正就于西城、青木久左斬正
次、冬狩東金、六年冬如忍越谷、七年東出狩、八年四
月有病、列族諸留奉起居不許、十二月上自知病不

起召見列族二日、九年正月二十四日厭代、葬緣陵、
發関中諸侯治作贈正一位、遺命賜書画刀劍金銀
于宗室列族、大宗亦分与賜所得凡五十餘万金、其
万石以下不算、

史臣曰、德祖者、所謂無為自化、清靜自正者耶、世所
傳与左右近臣論說一編、若非取至克續父之志、終
身無改、可謂至孝矣、

祖曰、世子与大樹幼時極相似、此非獨我家之福、天下万世之幸也、待至十五歲、我与之如京師拜將軍、德祖乃起為壽、罷、因之東宮、遂安以川中島為湯沐邑、世子至孝、方觀猿舞地、大音山忌俊抱而將出、世子問上出、忠俊曰、不知、世子曰、未知上在所、將我何之、予搏忠俊、元和三年謁光陵、五年五月十四日、午斬親信阪部某、六年正月叙從三位、拜權大納言、置先驅將、七年正月進正三位、如川越、八年四月如光陵、八月如川越、九年二月如川越、三月十五日兼右近衛大將、加右馬寮御監、四月如光陵、六月將朝

京師、病瘥不果、七月如伏見、二十七日為征夷大將軍、正二位、內大臣、淳和、奘學、兩院、別當、源氏長者、賜牛車、隨身兵杖、八月如阪、如塚、寬永元年正月發尾紀、及十七諸侯、修二條、置三崎、奉行、二月海道傳奉伊勢神、下令禁之、四月居水戶、邸、十一月三日、德祖徙西城、上正位、內城、十二月朔、鮮節、豈來、二年二月、以木曾氏田置大衛、及砲隊、率、狩、川越、七月、如光陵、八月、納鷹司信房女為妃、十二月、定布帛長短、勿得為姦、有不如式、奪之、勿罪、

内務省

三年二月狩川越鴻巢、自四月至八月不雨、如光陵、
七月如京師、八月如淀、十八日朝王進從一位左大
臣、宗室列侯進位有差、九月六日天王幸二條、居五
日、增湯沐邑万石、十六日如阪會大妃薨、三日東歸
四年正月二十一日地大震、二月狩川越、八月關東
水、九月東叡山祖廟成、晦橫山街火三日不止、
五年增阪城、二月制官吏騶從之負、四月如光陵、
六年閏二月病、痘使人、祈光陵三月發諸侯三藩執
政之衆城江都、四月如光陵邸宅前後置區廬相屬
以防非常、九月領分十一條于天下除客居法、如光

陵、十月狩川越、

七年上病親舞樂焉、請德祖臨觀、九月十二日皇女
卽位
八年二月狩于川越三月甘露降、雨灰、四月十六日
天赤如楯至二十一日六月增親衛為十隊九月閏
東洪水人馬多死二十三日忍佐野熊谷館林相驚
以兵、須臾止、建文廟于忍岡、
九年正月不朝至六日以德祖病也、二十四日德祖
厭代、四月如光陵、至今市、以喪故使井伊直孝撰祭
六月踏水西城外後為常、七月置匠作六負、制門內

御
勢
首

從者之負、置走水奉行、八月增扈衛二隊、九月朔置侍御史四員、贈外祖故備前守洩井長政正二位中納言、大坂城成、十一月養光長妹嫁右大將九條忠象、十二月上憂列族難制、早起召之、至則稱病不見、會天寒給粥、從者不賜列族食、昏未命燭、緩帶出見、謂曰、曩者二祖與列族、南面稱孤、所以至於斯、雖天命有歸、亦賴列族、惕心翊戴也、是故執分庭之禮而存友邦之義、今予新立不熟事、且無改造、然二祖之法、粗足濟權宜、不可為万世之式、列族悞聽我言、自今以往、雖列城之尊、義為君臣、禮儀等差、莫得踰越、

無有所諱、列族若不是我不能復為政、速議宜立者、我與列族往朝、列族惶恐無敢仰見、殿上寂無聲、久之仙臺族進曰、上至恭謙、臣等愚不達此意、令上憂念、臣等之罪也、大閣起自匹夫、号令天下、猶不與諸族抗禮、德川氏清和帝之後、臨天下三世、列族執臣禮、且政宗奉命、誰敢不奉命、宜制禮義、垂法後世、列族咸曰、如政宗言、便上起入箕踞、召列族、左右無人、手執刀賜之、去鞞視、及一人出一人入、無不汗浹背、初列族至都、執政迎諸品川千住、從是直詣執政宅、奉起居而後就策、又見執政請奉觀禮、而後使執政

勞問、引見之時、止執政送迎、十三日水戶主嫁松平
光高、二十九日都下火置主進三十人、義濃大水、
十年正月朔地大震、函嶺崩、地圻出泥、民屋壞、定置
新衛八府、二月制軍賦、三月分遣大使察宗室列族、
百官百司、奉法不奉法、忠不忠、敬不敬、與民之安不
安、與所疾若、軍興多少、衣食豐歉、四月十七日如文
廟視釋菜、七月大閱于品川、置長崎令三負、十月增
職宮諸衛秩、十一月賜忠長死、初上懷神祖之立、已
潛建廟城中、今茲遷淺草原廟于楓山、
十一年二月上不豫、以執政之言、觀猿舞、大集商賈

縱觀、發內府錢賜之、三月廢松平勝政所將大衛制
執政知政事職掌六月如京師謁久野廟、賜駿府民
米万五千石、至京拜大政大臣、不受、皆曰、二祖皆拜
奉詔是、上曰、不然、有以外戚進者、有以專權進者、皆
無取焉、皇祖皇考以違尊登此位、德爵齒之相應、孰
敢有議、今若奉詔、使二祖盛德、降齊于眇々之躬、雖
貪寵命何德堪之、不果拜奏猿舞縱觀、發銀百二十
五万兩、賜京師民、閏七月置上皇湯沐邑万石、西城
火泛濫如阪、除洛外大阪奈良堺屋稅、八月賜列族
璽書、徒內諸侯家于江都、二十日歸至江都、發金錢

賜高買、行所過諸侯五万石以下者、增封邑有差、九
月如光陵、十月狩于刺、置京兆左右小尹、
十二年四月狩武藏野、造大船、長三十尋、上建三重
樓、下可騎射、楫二百枚、用四百人、始行、六月領令十
九條、制列侯、每年四月半相代歸國、七月二十六日
天赤如火、十一月定置理官、十二月朔、駿府灾、改閔
津之制、令京叟崎、舟六艘、出塞交易、官衛置、翊衛前
是理官會執政宅、聽訟、
十三年正月建府治、四月光陵祖廟成、上往謁、天皇
遣公卿致祭、五月陳猿舞饗、与祭公卿自宗室列侯

至高賈、賜酒食、縱觀三日而止、十一月朝鮮人來、以
柳川調興伏罪也、遂如光陵、上東帶見之、放蠻種二
百八十七人于阿媽港、以蠻為母者不在此限、大發
諸侯浚池、增城、造麤城、鑄寬永通寶錢、賜寺社璽書、
南海有聲如雷、
十四年正月以改作宮室、徙西城、除內諸侯去歲增
城隍者、餘皆作治、於是上不豫、三藩及知政事參政
進舞姬奉、一日歡東南有赤氣、四月移祖廟于二城
有雙鶴翔其上、五月殺府中狼二百五十五頭、七月
豆南海中三原山燒、至明年二月止、八日星貫月、本

卷之四
和
省

和
省

城成十月天草深江民奉耶蘇教聚衆數千、上以
為島原侯厚歛致之十一月遣故侍中板倉重昌御
史石谷貞清往討、以欲招降、十二月以賊強以知政
事松平信綱為將、戶田氏鐵為監軍往擊
十五年正月朔大風是日重昌死賊十六日遣九州
諸侯居江都者及福山侯伐原城二月二十八日屠
原城堀田正盛為大老、
十六年七月上止往蠻交易、諸蠻帶耶蘇教者勿得近
塞、放紅毛種十一人于咬啣叱、八月築西城石壁十
一日內城災上如西城、執政召諸侯救火上止之曰、

焚薪焚之、猶不能傳炎、々之燼遽成此禍天之所為
也逆天傷人、不若勿救、既如東城、九月灵仙主嫁尾
世子、止大衛伐駿府、代以宮衛鑄新錢、
十七年四月內城成上如光陵、天皇使公卿致祭、婦
饗之如十三年時、牛馬疫死六月松前海溢溺民夷
五百人、內浦嶽燒雨灰三日、日月為晦、仙波祖廟成
九月遊于毛利秀元品川館、
十八年正月鍛治橋東商家延燒數万家、五月修皇
宮八月三日世子生、諸侯獻刀為壽、十二日建東宮
置宮僚、撰寬永系圖、治光陵取赤柳之石、用役三万、

天下饑饉、
十九年三月三日置司農三負糞粥食流入麥熟願
歸者在所給食、四月如光陵五月朔制內諸侯每歲
六月相代歸國六月令曰頃者年穀不登流民載路
我已命有司開廩振贍若或今秋不登來年麥不熟
有司其於何取給、列侯及食采者與司牧之官務省
徭役使得專力于農、柳浮靡積貯可衣食之物、以時
勸課勿怠懈、以備凶災、勿妄糜五谷及種菘若重傷
生殖之源、九月朔制、關中諸侯半歲相代、以二月八
月為期、

二十年六月朝鮮尹淳溟來、賀世子生、王書八字獻
光陵、八月置新衛置王宮衛尉、九月二十七日女帝
禪位、十一月三日天皇即位、酒井忠勝為大老、
正保元年韃靼改國号曰清、六月琉球人來十二月
命上州郡山海道路城圖其城在海道者以木刻形
令浮屠入殿庭、不備礼法、或疾聲相呼、法司切禁、
二年正月浮屠紛喧不可禁、有司讀罪命勿問、二月
臨廷聽斷獄、謂理官曰、理官當以民心為己心、庶幾
下情可得、今理官以己心為民心、怒其鬪葦、若如已
心、何至為非相告、三月十五日日月赤而無光、二日

内務省

而止、
三年九月瀧山祖廟成、十月明鄭正國居福州、為清
所敗、使人來請兵、下長崎府問狀、會鄭正國已亡、
四年四月十五日有五月並出、五月十五日地震、六
月浮艦饗三藩及其世子波示杜尾示船二艘至長
崎云、國王新立、貢方物舟中多兵器長崎尹與島原
侯府內侯發十諸族兵五方圍之、七月二十二日大
雨雹、九月長崎尹言蠻實欲如清、失路至長崎、驗國
字書無它故、上令盡收兵器、每船留四煩出之港、
慶安元年四月如光陵、二十一日地震、函嶺、大赦天

下令諸侯謁光陵、六月增新衛為六隊、
二年正月遣使者天下、問民所疾苦、伊豫安藝地大
震三月令務儉約、四月世子如光陵令諸侯嗣子前
後往謁、五月十三日大雨雹、起石城于西城之西、六
月二十日地大震、令曰、地震方起不知其極、宗室列
侯諸起居者、從者或僵傷支体、益重我患、自今以往
止而後朝、七月琉球人來遂之光陵、
三年正月二十八日始視朝以病也、關中民白衣詣
勢州、過函關者日千餘人、經年不止、日地震、多至四
五十震、四月七日以列侯七人為防火使、六月常州

雨雹、六月四日雨毛、七月海道傳迎勢州神、二十七日
涇水入阪丈二尺、四年正月上病、四月東獻山祖廟成、二十日獻代二
十三日遷梓宮東獻山、遺命葬于光陵、贈正一位大
政大臣、賜自天壽主以下六万金、後宮万三千金、有
司万石以下四万金、史臣曰自稚戴以來三十有余歲正君臣之礼是其
時哉然非雄畧盖世廟廟不失舉兆庶歸德焉能折
桀驁之志而就濟々之班哉、樂民之樂者、民樂其樂、
憂民之憂者、民亦憂其憂、積錢揚江之上、使民爭趨

之以自瘡其疾至損傷肌体而後止樂民之樂出于
天性如斯不到大平者自古未曾有也

和
省

嚴宗紀第四
嚴宗諱家綱大宗長子也六歲時與左右戲有老人
愧而色難之者強之大笑世子曰安以人所愧為已
樂哉特命出休又聞流人往々餓死面啓曰流者所
以省死而使之餓死非恤刑之道虽遇赦已無及請
下有司驗問大宗異之給糧與耕具以著善言正保
二年元服為正二位權大納言慶安二年四月如光
陵九月出居西城大宗賜傳忠秋刀世子起為之謝
大宗大悅大宗厭代會津族正之受遺命立世子輔
政七月駿府男子由比正直本郷男子左橋成純等

嚴宗紀第四 卷四

嚴宗諱家綱大宗長子也六歲時與左右戲有老人
愧而色難之者強之大笑世子曰安以人所愧為已
樂哉特命出休又聞流人往々餓死面啓曰流者所
以省死而使之餓死非恤刑之道虽遇赦已無及請
下有司驗問大宗異之給糧與耕具以著善言正保
二年元服為正二位權大納言慶安二年四月如光
陵九月出居西城大宗賜傳忠秋刀世子起為之謝
大宗大悅大宗厭代會津族正之受遺命立世子輔
政七月駿府男子由比正直本郷男子左橋成純等

和
省

謀反伏誅八月十三日為征夷大將軍右近衛大將
右馬寮御監淳和獎學兩院別當源氏長者賜牛車
隨身兵杖二十七日為正二位內大臣十一月有司
百三十四人增食邑有差省參政併知政事二十日
大風
兼應元年三月佐州小比叡徒作乱縣吏討平賞賜
有差九月故松平直良舍人戶次莊左謀反伏誅上
幼叛乱相繼人心忙々流言不止執政直孝忠勝知
政事信綱忠秋京兆尹重宗同心協輔天下因以安
矣省用度崇儉約四民豐贍道不拾遺

二年置給事中五月二十一日見三藩便座語秘無
聞六月二十三日皇城災七月十一日轉右大臣八
月天下洪水
三年四月愛宿下有一男子佩刀斬十人傷十一人吏
捕殺之九月二十四日光明帝崩琉球人來鑿渠地
中在所隨便為井
明曆元年十月朝鮮王溟使其臣趙珩來聘遂如光
陵王書八字獻諸宗廟十一月皇太子即位
二年正月二十三日赤氣亘天三月上病痘八月二
十二日大風十二月林春勝講經殿中酒井忠勝致

仕道場淺草鑄錢

三年正月十八日本郷本明寺失火自湯島東至靈
岩南至鉄砲洲、十九日小石川糶町並火起自三藩
邸火入内城東南至海上、如西城、都中存者十之一
已死者七万許、二十日謁楓山廟、二十一日大雨雪、
多凍死、作粥振救、令曰、屋宇衣服新設制度、諸罹灾
者築室可蔽風雨、以俟後令、二月遷腰越行殿于東
城、収葬死人、建寺其上、遣列侯六人就國、止前請詣
都者俟後令、命省貢獻罹災者万石以上、至九万五千
石、及万石以下、無職事假貸、有職事賜金、賜都下民

十六万金并伊直孝平、十一月置場駿府鑄錢

萬治元年正月十二日都下火、十八日二重暈、二十

一日又火置防火司八府、填海廣地、置外城門衛、十

二月晦勢州渡會火、

二年六月常州雨雹、九月内城成、

三年正月城東敷火、五月兩國橋成、天下洪水、六月

雷擊阪火藥庫、延燒十餘家、環壞殺百餘人、

寬文元年正月十五日皇宮灾、頒令天下、十月二十

八日都下火、大有年、

二年二月井伊直澄為執政、五月朔幾内丹江勢若

地震多死傷、十月大隅地震、增防火司二府、禁殉死、
市中開小道、
三年二月以松平忠次為執政、四月如光陵、二十七
日帝即位、五月禁殉死、十月尾民二百人奉耶蘇教、
被誅、
四年松平忠次卒、十月客星見、
五年正月二日雷燒大阪天主、七月除藩國重臣納
質之法、十二月二十七日越後大地震、頒寺社除田
租墾書、定縮布疋綿短長廣狹之式、
六年四月流不受不施僧、五月二十六日流星、酒井

忠清為大老、

七年二月大使四出

八年正月二十五日西方有白氣如旌、長五六丈、二
月三日火發本郷渡河至本所、四日自四谷燒紀伊
至淺布六日自若狹疾牛込、經南入代官町、繞麴町
連延至高繩、又自傳通院南至平川東至日本橋而
止、從是白氣不見、三月上憂都下苦火、使大久保忠
朝視東叡山、還言曰花下張惟絲管填谷上大悅、六
月旱、大集列侯宗室申殉死之令、玩球人來、
九年畿内飢給粥百日、七月十一日天狗星東流、蝦

夷亂、遣親衛松前泰廣助松前茂討之、殺酋長雀置
亂、保料正之致供、

十年八月二十三日潮浸大阪城、

十一年七月琉球人來、遂如光陵、

十二年無事、

延寶元年五月九日皇宮災、

二年四月幾内洪水、六月十四日雨雹、關東洪水、入
馬多、溺年穀不登、

三年春給粥飢人、以清法造船于長崎、閏四月令長
崎人与江都匠等三十余人、出下田求無人、寫至六

月而歸、十一月二十五日皇城災、

四年春井伊直澄卒、女帝崩、夏洪水、八月五日上妃

薨、十二月二十六日京師火、

五年無事、

六年六月十五日水尾后崩、上始病、語人曰、我不及
四十、然未嘗居内、虽左右不知其病、

七年海道傳送伊勢神、

八年五月上病、彌留、羣臣議立上弟、齋林侯為世子、
八日上厭代上、寡言、恤下、厚德、醇行、納諫、節欲、應事
如流、知入于未用、人有過、得其情、則解、莫知其出入、

宣遺命訖謂左右曰、我不勝病、豈有失儀失言乎、如
政事正俊有遺命、閱午書多以事自戒、或當朝之事
某當某不當、謂某非其過我之過也之類也、一言一
動無妄如此、於是四海如喪考妣、二十二日愛宿山
下民吉、兵妻生三子、二十六日葬、獻陵贈正一位大
政大臣八月十九日上皇崩、閏月朔大風雨、十一月
白氣亘天、

史臣曰、慶安明曆之際、天下人安、姦軌不能惑問、闕
大災、不能損富厚、高拱深宮之中、而委成群臣、善
政所存如災、後問獻山秘匱、自書其過、恤民省己、專

亦勤矣、

憲宗紀第五

卷五

憲宗諱綱吉大宗第三子迨疾病食之邑十五万石
九歳元服為從四位下右近衛權中將兼右馬頭無
幾進正三位寬文元年封館林二十五万石迁參議
嚴宗病大漸於臥内立為世子明日入居東城為正
二位權大納言如館林邸又明日嚴宗歿代即位東
城至發柩將從行執政曰非例使人橫行又曰非例
上曰父子不嫌于薄余虽屬新弟已經為臣一切從
故事意所不安也使大老忠清橫行居喪不窺園庭
正襟危坐不漫言六月大赦天下七月十日迁内城

免知政事直夜侍御史御文苑召賜對初令造列東
城為之減食待其成此非臣子宜褻也有司請為內
寢上曰大行所御新之可矣其餘一無改黑緇為被
褥令從儉約有司請冠以象字上曰皇祖之諱受諸
豐臣氏其卒猶不忍更之况大行所賜乎非所宜議
八月二十三日為征夷大將軍正二位內大臣右近
衛大將右馬寮御監淳和契學西院別當源氏長者
賜牛車隨身兵仗

天和元年琉球人來賜都下米三万令曰待韓使以
厚不為示奢擾民其如光陵非誠發于中停之省彼

此之勞其復書彼此並題不稱礼意宜停有司言自
賤背故事恐有窺我上曰當禮而行不計利害宜如
前令五月酒井忠清卒

二年遣大使四方二月畿內饑作粥給之京師疫癘
四月增職官封邑令曰前告郡國明年如光陵比年
穀不登人民流離可忍遠出重擾百姓假停來年之
行八月龍崎民獻石似玉有孔吹之有聲上命碎之
示民不貴異物彗星見上曰我居位三年有急解乎
有所私乎天若警我大老正俊曰見災自責金古聖
王不之過彗其無害後數日歲稔有一莖數穗者

九月朝鮮尹趾完來於象船五百五十七人、內減六十人、禁刻天下第一私号、十二月二十八日都下火、大老正俊獻天馬皮、上却之曰、天馬出則年稔、我有繇襖、防寒、不忍寢處、此物若為異物、無用之物、從長奢侈之源、我不忍見、正俊再拜謝曰、非愚臣所及也、君之及此天下之幸也、

三年正月朔雨大水、帝欲授世子官、辭曰、先臣以矯體膺嘉命、臣支庶業業、臣之子敢比先臣、二月上曰、儉約治之本也、不以身先則下無化、股御務供、麤苦褻衣、不弊、不易、農高工賈、儂舞戶、虽隸于官、不佩大

刀、奴婢不得服繭、於是世子生、毋剪金縷去之、內外劬之、命長崎尹除衣服器用、可利干民、草木土石可愈病、而諸奇巧之物、蜀犴猩紅、不可防寒、錦繡羅綺、勸導奢侈、異草壞材、珍禽奇獸、徒備觀美者、不得納內地、以亂風俗、上曰、近有司多殺立威、案驗便決、恐有冤、知政事某對曰、刑之不重、不足懲姦、上曰、失有罪、殺不辜、皆法之不中也、凡小大之獄、務中其法、而後施之、四月五日、光陵地震、使大久保忠朝往視、大旱、帝欲進位右府、固辭、乃止、閏五月、世子薨、初上召醫吉田朔庵、称病不至、上曰、醫不急病、安用醫、為召

之不來、況於請之乎、不可以為風俗、放之于遠、今大路道三請使治世子、上曰、以子之故赦之、天下其謂何、牧野成貞曰、万一不諱、其無悔乎、不從、世子薨而後赦、十月令今幸有年、所在蓄穀以備凶荒、十二月五日都下火、

貞亨元年上曰、近風俗凋弊、姦偽滋生、理官務淳朴、率下勿得較是非、爭利害、損教化、勉思副予心、廳吏卒貪污成俗、若工商賈官長勉戒厲、莫使抵罪、今黜卒八十人以正法紀、諸衛諸隊為之長者、日夜教戒使成謹厚、其不從教者、以名言之、政府、匿而不舉、其

長有罪、三月頒服忌令、令諸功臣之後錄所受賜璽書、刀劍等物及其功狀上焉、二月十六日、豆南海中、三原山火燒七年、運糧救賑、八月二十八日、參政正休、刺殺大老正俊于朝、知政事共擊殺正休、十月頒新曆于天下、

二年二月二十一日、流星、上皇崩、上女嫁紀世子、

三年京師火、

四年四月二十八日、帝即位、九月九日、大風、

元祿元年十一月二十一日、如忍岡祭先師、

二年二月二十一日、如忍岡祭先師、三月諸侯以選

給事干中、

三年八月琵琶湖涸、十四日京師火、上曰、忍岡文廟
尾敬侯所建、与浮屠並居、有其相地士焉、

四年二月廟成、往礼置祠邑、四月禁悲田教八月京
師置防火使、十二月改神田臺為昌平阪、羊洗橋為
昌平橋、

五年正月朔日蝕、十二月朔皇宮災、流高野行人六
百人、

六年二月二十二日如文廟視祭儀、上親講易、五年
而畢、修皇陵十九、

七年正月八日都下文、是歲遊執政宅皆增万石、

八年五月遊松平吉保宅、徙是月往二三阪鑄
黄金增防火司五府、

九年三月省清水三崎走水奉行、六月十九日大地
震、八月贈滿仲正一位津輕錢、

十年七月俸五百石以上、停俸与邑、東叡山建中堂、
置金銀箔座行二銖金及新錢廢慶長金算高車行
酒權、

十一年造永代橋、十一月都下文、是歲修皇陵勿葛
堯兵側、

十二年四月雨雹、都下火、閏九月諸司諸衛諸隊、
金有疔、病滿百日不貸、冬桃李花、

十三年增長崎尹為四員、日赤無光、有暈星晝見、

十四年作粥給饑者、六月京師大雷、諸州洪水、

十五年閏八月省荒井奉行屬吉田、

十六年十一月二十二日地震、壞城門二十五、

二十二、甲邸失火、延燒數里、相房總加筑、同日地震、

海溢、小田原溺三千餘人、二十九日火發小石川、燔

孔廟神田祠、至本所深川多死者、

寬永元年四月秋田地震、七月朔大水、八月四日關

東洪水人馬溺死、十月省所增防火司、十二月立從
子甲族為世子、

二年二月五日進右大臣、增皇家邑万石、閏四月京

師民如勢州五六万、六月參遠水、二十二日桂昌夫

人薨、十一月四日吳暖橋東火、

三年正月十四日火發神田至東關溝、六月改鑄、

九月十五日地震、

四年六月十九日東海道大風、十月四日關西地震、

十一月二十二日富士山焚、雨沙土、八日駿遠地震、

賦天下金賑伊相武、民停銀鈔、

内務省

約券省

五羊三月八日皇宮火、五月鑄大錢六月幾內天風、
十二月晦大改火、
六年正月十日厭代、贈正一位大政大臣、葬東叡山、
停諸族給事中、二月九日憲妃薨、六月二十一日
帝即位、十二月十七日先帝崩、
史臣曰、憲宗臨朝二十有九年、其治如出三代、何也、
自元祿以後、朝廷多故、然至事桂夫人以孝、興學講
經、祠孔子于廟、親臨、觀諸生行禮、美哉、輔以良弼、即
明主也、

文宗章宗紀第六

卷六

文宗諱家宜、初名綱、豐、贈相國綱、宣與天樹主居時
所生也、天樹主育之于新見正倍家、長莊敬好儒術、
危坐聽講、魚伏日無惰容、書字正不苟、十五歲嚴宗
召加元服、為從三位左近衛權中將兼左近將監父
卒襲封甲、憲宗初遷參議正三位、增封十萬石、久之
憲宗無子、上有養統之望、益謙遜、時屢病危、不正服
不見御醫、左右以瀝江松軒治、無効、不使時進、上曰
彼良醫也、豈為一無効少之哉、其重厚不驕、如此元
祿三年為權中納言、建永元年立為世子、贈其父權

中納言明年為從二位、本納言、四年二月謁文廟、六年正月憲宗厭代、上嗣位、下令廢大錢、除酒權箔錢、五月朔為正二位內大臣、征身大將軍、右近衛大將、右馬寮御監淳和、獎學兩院別當源氏長者、賜牛車、隨身兵仗、復使宮衛、戊駿府十一月免追、放在室永、五年以前者、十二月令万石以上、無城者襲封、後、五年或六年叙爵、自今以往、紹封即叙爵、發諸侯除駿、相豆沙石、

七年二月親釋奠先師、五月行乾金、傳四宝銀、分遣使者四方、九月建祖廟于洛東吉田山、贈父甲族征

夷大將軍、正一位大政大臣、建芝口門、十月省京師、防火使十一月琉球人來、

正德元年敕四足門、九月朝鮮趙恭億來、張樂賜宴、二年上曰、後三年距神祖厭代、百年往致礼焉、置佐渡尹二員、十月十四日上厭代、贈正一位大政大臣、葬于緣陵、遺命曰、余不肖、辱美大祖之業、恭託兆民之上、日夜競々、欲續先緒、何虞在位日淺、羅于斯疾、夫自古危國亂家者、莫不因幼主孤立于上、彊臣爭權于下、虽胡越之人、同舟而濟、則併力冒難、免于万死之中、昇平百年、家士其業人保其壽者、孰不以大

祖之德耶尚衆庶仰思共德尚百司熟察其弊以輔
孺子其必以往日如主危國為戒百司衆庶苟違余
此心則非止我家之不幸天下万世必受其禍
章宗諱家繼生四歲立即位知政事一人未嘗不在
直十二月二十三日為正二位推大納言
三年三月二十六日元服四月二日為征夷大將軍
正二位內大臣右近衛大將右馬寮御監淳和契學
兩院別當源氏長者賜牛車隨身兵仗十二月二十
二日都下火
四年琉球人來十二月復慶長金銀

五年有神降于藪村
享保元年四月晦上獻代贈正一位大政大臣立紀
侯為嗣葬于綠陵
史臣曰文宗之立當帑藏空虛之後孳々創制禮儀欲
文大平亨國之日淺而得失之跡未彰章宗幼少育
于阿保之手政教不墮綱紀不紊者抑亦宰輔協力
之所致哉

内務省

德宗紀第七

卷七

德宗諱吉宗、初名賴方、紀侯光貞三子、封為丹生侯、
迨嗣宗為權中納言至章宗病、令從東城輔政、於是
章宗遂不起、以上屬尊子多遺命兼統、召見內諸侯、
六月遣就國如常、七月十三日為正二位權大納言、
十八日為征夷大將軍、正二位內大臣右近衛大將、
右馬寮御監淳和裝學兩院別當、源氏長者、賜牛車、
隨身兵仗、禁列侯獻遺留物、毀四足門、
二年正月都下頻火、十二月二十七日自牛込延燒
至芝口、

三年七月琉球人來十一月行新金銀
四年十月朝鮮洪置中來待之如天和時置庶子官
五年二月制墨臂法輕于劓刑一等三月自日本橋
至上野延燒行國役法

六年三月三日都下火八月置匭于治廳門外法令
之便不便官吏之職不職理官不時受理事關君父
皆許上書言之其言事自為与挾私訂人之罪与未
詣廳若詣而不告成焚之以塞告訖之源九月召內
諸侯謂曰近風俗大頽列侯或逐尊曰舉微賤以自
便事及雇市人供上之役甚無謂也自今以往禁之

無為定防火衛門騎徒之數

七年廢寶永金七月令曰食祿之家有加無損自余
羨統淺草之粟不足給天下之賦不足贍思所以救
濟無方廼者命判度支忠之差吏四方搜逋田闢草
萊然不數年不能成績其使侯國歲輸秋糧十分之
一于司晨以績成為限諸侯皆留都半年關外一年
半關內一年而來朝以省費用三月九月為朝其不
往國者納其中三之一交替如故者納半任職者不
納知政事諸從令文命納三之二置防火巡見使十
二月移下田令于浦賀

內務省

內務省

八年令邸第市肆近城者、皆為瓦屋、萬石以下、皆金
造作、自此延燒遂少、二月免三藩納米、冬九州地震
廢元祿金

九年正月晦芝口門火、三月二十一日大阪火置本
所深川防火使、

十年四月九日世子元服、九月長崎地震、十一月淨
岩主嫁薩侯、復用慶長金、

十一年越前十月山々水湧出、人畜多死、三月待小
金原、

十二年春令江都男子小笠原式部入海求無人島、

式部往勢州造船載兵農具与百五十人共往不還、
十三年四月如光陵、九月關東大水、

十四年四月妖僧典一自称上之子、招集亡命、下吏
伏誅、黨與二百余人、誅竄有差、五月交趾獻川象、

十五年四月免族國輸米、往來一復旧制、以來年為
始、六月京師火、開廩振贍、建氷川祠、貸五百石以下
金、令得納金贖笞杖、

十六年四月世子納妃、十五日自牛込至虎門延燒、
疫癘行、

十七年秋九州四州中州蝗害禾稼、八月六日皇

内務省

内務省

崩、

十八年疫疠行、發諸侯浚隍、令勿以妾為妻、

十九年天下洪水、紀伊主嫁伊達宗村上從客謂給
事中良信曰我夙夜憂念百姓而思保宗廟迺者百
姓以我好獵、予固非從禽、非此無教習騎射、無上下
相親無將士得賜無以試進退國家、以武鎮天下雍
容都雅、非所急也、古人有言曰、治不忘亂、予老矣、早
出晚歸、不避寒暑、豈為耳目之娛哉、天下虽治下民
輒有背理、常思得賢人知過失不知世子体予此意、良
信請言世子上曰、徧告之人不止世子、

二十年三月甲斐上野雪、六月二十一日畿内洪水、
十一月三日帝即位、

元文元年三月仙臺地震、六月改鑄金銀、十二月但
州生野礮徒二千餘人作乱、守臣諭使解散、朝來養
父民劫吏請糧、

二年正月代官某檄諸侯捕之、盡獲、四月十一日上
皇崩、江都一男子上書曰、天下共苦新幣、唯司農時
以工官後藤亨其利、日上教諸侯勿舉微賤、今用細
田時以杉岡能連神谷久敬乱祖宗之制、与前令不
相應、夫治天下与治紀不同、紀不治則可改治、天下

一壞則不可復為、今有司為官厚集以困諸族、
困則不能來朝、于時不伐、政刑不立、伐之恐其弊竟
不此、此前日後藤言改幣、土屋數直叱之、上何不深
念、臣虽伏草野私竊憂之、為天下冒死以聞、五月二
十二日適長孫生、

三年無事、

四年鑄鍊錢、

五年秋畿内大水、

寬保元年八月七日進右大臣、隨身兵仗如故、世子
兼右近衛大將十二日適長孫元服、為從二位權大

納言、



二年正月彗星見于河鼓南、四月修令條成、八月朔
信州及關東大水、人畜多死、

三年發諸族治決河、十一月彗星見于東壁五旬、

延亨元年無事、

二年三月十八日大有事于楓山祖廟、上有病、九月
朔解征夷大將軍授世子二十五日從西城、寬延四
年六月二十日厭代、葬東叡山、贈正一位大政大臣
史記曰、德宗將大有為之主也、如制列族朝期、魚有
為而發、蓋其漸云、其竟不行、以人情不樂耶、抑得非

之俗、復淳朴之政、聖王之理、而群臣不能休至意、
切以簿書斷事、以息耗辨能否、不能無弊也、



內閣圖書印

Blank manuscript page with vertical blue lines for writing.

內務省

